

商水縣志卷十二

麗藻志二

公牘

後漢

檄州郡文

袁紹 邑人

蓋聞明主圖危以制變忠臣慮難以立權曩者強秦弱主趙高執柄專制朝命威福由已終有望夷之禍汚辱至今及臻呂后祿產專政擅斷萬幾決事禁省下陵上替海內寒心於是絳侯朱虛興威奮怒誅夷逆暴尊立太宗故能道化興隆光明融顯此則大臣立權之明表也司空曹操祖父騰故中常侍與左悺徐璜並作妖孽饗養放橫傷化虐人父嵩乞匄攜養因臧買位輿金輦寶輸貨權門竊盜鼎司傾覆重器操姦闖遺醜本無令德標狡鋒俠好亂

商水縣志

卷十二

麗藻志

一

樂禍幕府董統鷹揚掃夷凶逆續遇董卓侵官暴國於是提劍揮鼓發命東夏廣羅英雄棄瑕錄用故遂與操參容策略謂其鷹犬之才爪牙可任至乃愚佻短虞輕進易退傷夷折衄數喪師徒幕府輒復分兵命銳修完補輯表行東郡太守兗州刺史被以虎文授以偏帥獎蹴威柄冀獲秦師一克之報而遂乘資跋扈肆行酷烈割剝元元殘賢害善故九江太守邊讓英才雋逸以直言正色論不阿諂身被梟懸之戮妻孥受灰滅之咎自是士林憤痛人怨天怒一夫奮臂舉州同聲故躬破於徐方地奪於呂布彷徨東裔蹈據無所幕府惟強幹弱枝之義且不登畔人之黨故復援旌擐甲席卷赴征金鼓響震布衆破沮拯其死亡之患復其方伯之任是則幕府無德於兗土而有大造於操也會後鑿駕東反羣虜亂政時冀州方有北鄙之警匪遑離局故使從事中郎徐勛就發遣

操使繕修郊廟翼衛幼主而便放志專行威劫省禁卑侮王僚敗法亂紀坐召三臺專制朝政爵賞由心刑戮在口所愛光五宗所怨滅三族羣談者受顯誅腹議者蒙隱戮道路以目百辟鉗口尙書記期會公卿充員品而已故太尉楊彪歷典二司元綱極位操因睚眦被以非罪笞楚並兼五毒俱至觸情放慝不顧憲章又議郎趙彥忠諫直言議有可納故聖朝含聽改容加錫操欲迷奪時明杜絕言路擅收立殺不俟報聞又梁孝王先帝母弟墳陵尊顯松柏桑梓猶宜恭肅操率將吏士親臨發掘破棺裸尸掠取金寶至今聖朝流涕士民傷懷又罌發邱中郎將摸金校尉所過毀突無骸不露身處三公之官而行桀虜之態汙國虐民毒施人鬼加其細政苛慘科防互設繒繳充蹊阬穿塞路舉手挂網羅動足踏機陷是以充豫有無聊之人帝都有呼嗟之怨歷觀古今書籍所商水縣志

卷十二

麗藻志

二

載貪殘虐烈無道之臣於操爲甚幕府方詰外姦未及整訓加意含覆冀可彌縫而操豺狼野心潛包禍謀乃欲撓折棟梁孤弱漢室除忠害善專爲梟雄往歲伐鼓北征討公孫瓚疆禦桀逆拒圍一年操因其未破陰交書命欲託助王師以見掩襲故引兵造河方舟北濟會行人發露瓚亦梟夷故使鋒芒挫縮厥圖不果屯據敖倉阻河爲固乃欲以運螳螂之斧禦隆車之隧幕府奉漢威靈折衝宇宙長戟百萬胡騎千羣奮中黃育獲之士騁良弓勁弩之勢并州越太行青州涉濟漯大軍汎黃河以角其前荊州下宛葉而掎其後雷震虎步並集虜廷若舉炎火以焚飛蓬覆滄海而注燹炭有何不消滅者哉當今漢道陵遲綱弛絕操以精兵七百圍守宮闕外稱陪衛內以拘質懼其篡逆之禍因斯而作乃忠臣肝膽塗地之秋烈士立功之會也可不勗哉

後漢書本傳

明

清丈地畝申文 萬曆十年

知縣 張德崇 樂城人

開封府陳州商水縣為大造屆期丈田事竣懇乞聖明並重圖籍  
 塞弊源以永治安事萬曆十年六月十七日承奉本州帖文承奉  
 河南等處承宣布政使司劄副蒙欽差巡撫河南等處地方兼提  
 督軍務管理河南都察院右僉都御史褚 案驗准戶部咨河南  
 清吏司案呈抄蒙本部案驗該本部題廣西清吏司案呈奉本部  
 送戶科抄出南京戶科署管黃冊事給事中傳奏前事該本部覆  
 議前事仰本縣官吏照依案劄帖文備奉欽依內事理即行該縣  
 除黃冊照本部頒行條格攢造外仍遵奉明旨將本境清丈過田  
 糧刻石公堂一面仍將存留冊分造都圖魚鱗細冊悉書管業辦  
 糧姓名用印鈐蓋每里每甲各給一本再將見種地人戶各給與  
 商水縣志 卷十二 麗藻志 三

印信執照如戶帖之式備將田之頃畝分釐四至條段糧之升合  
 微戶部咨河南清吏司案呈抄蒙本部案驗該本部等衙門會議  
 將該省清丈過田土查補過浮糧共足國初原額米石數目錄由  
 於萬曆八年九月十一日具題奉聖旨方今天下承平日久田糧  
 多失舊規以致豪右隱占偏累小戶包賠這清丈事例應否通行  
 各撫按官查覆還同吏部都察院詳議來說欽此本部尚書張會  
 同吏部都察院詳議緣由於本年十一月初八日會題奉聖旨這  
 清丈田糧事宜既會議停妥著各巡撫官悉心查覆著實奉行毋  
 得苟且了事反致勞擾欽此欽遵等因抄案到司案呈到部咨送  
 清丈田糧事例書冊到院准此會同巡按河南監察御史許議照  
 前事案行本司備劄到府帖仰本縣關行本縣知縣張德崇出示  
 即將境內田畝遵照原行文量一體欽遵等因奉此本縣即於萬

曆九年三月初五日開輦編號六十有八扯立區頭二千五百有九連殘區一百六十并刷邊陳州塔兒彎上蔡崇律店西華之龍勝溝等處共丈出小弓地一萬二千九百五頃八十九畝九分六釐三毫除補足失額地三百一十七頃二十四畝七分六釐四毫之數多丈出小弓地三百六十七頃七十八畝七分六釐三毫舊額每小地一頃折糧地六十六畝今每小地一頃折六十四畝二分一釐九毫一絲五忽八微共折徵糧地八千二百七十五頃一十五畝三分九釐二毫每畝徵糧一升六勺九抄二撮四圭二粟四粒共徵糧八千八百四十八石一斗四升五合六勺三抄四圭即今大造萬曆十年賦役黃冊即照今次丈量田畝糧石造報無差是役也自本年三月首事至九月終丈量方完磨算至十二月造冊申送分守大梁道左參政周處覆覈呈送本司轉呈兩院會商水縣志

卷十二

麗藻志

四

奏尤恐不的十一年三月復行覆實其於地之分釐毫忽糧之升合勺撮無不明妥每戶各給戶由一張照依原額地數起科徵納又嚴令民間買賣地土不得私自過割以待審編之年方許開收責令里書細加磨算務使門總合戶總戶總合排總排總合里總里總合縣總則有推無收之弊無自而生雖百年之久可保無失額之患緣係大造屆期丈量事竣懇乞聖明並重圖籍塞弊源以永治安事理遵奉刻石以垂不朽以俟後之吏是土者高明君子焉謹將丈量過田糧總數並行過事宜開列於左

本縣一十二里

原額小地一萬二千五百三十八頃一十一畝二分

節年失額地三百十七頃二十四畝七分六釐四毫

今次丈出實在地一萬二千九百五頃八十九畝九分六釐三毫

仁一里原額小地一千二十七頃一十九畝二分九釐七毫節年失額地二十四頃七十畝五分二釐今次丈出實在地一千六百一頃八十九畝八分一釐七毫四絲五忽

仁二里原額小地一千一百七頃四十三畝二分節年失額地四十一頃五畝一分一釐今次丈出實在地一千一百五十五頃六十六畝二分四釐五毫六忽

義一里原額小地一千三百九十八頃二十三畝二分節年失額地一百七頃三十畝今次丈出實在地一千四百三頃二十一畝六釐九毫

義二里原額小地一千三百四十一頃一十五畝八分四釐節年失額地十六頃四十九畝八分九釐一毫今次丈出實在地一千三百七十二頃六十七畝八分五釐八毫

商水縣志

卷十二

麗藻志

五

道一里原額小地一千一百七頃二十四畝二分節年失額地四十四頃一十四畝八分四釐三毫今次丈出實在地一千一百二十三頃九十五畝七分六釐五忽

道二里原額小地一千五十九頃一十八畝七分八釐節年失額地八頃一十五畝二分今次丈出實在地一千一百二十五頃六十八畝一分六毫七絲

德一里原額小地八百一十五頃二十二畝五釐節年失額地三十四頃五畝一分今次丈出實在地八百四十六頃六十七畝七釐四毫六絲五忽

德二里原額小地九百一十五頃一十二畝六分節年失額地八頃七十畝今次丈出實在地九百二十四頃七十九畝六釐二毫二絲五忽

德三里原額小地一千四頃三十一畝五分二釐節年失額地六頃一十畝今次丈出實在地一千二十五頃五十三畝三分九釐二毫八絲九忽

在坊里原額小地八百九十一頃三十畝三分五釐二毫節年失額地三頃二十畝今次丈出實在地九百五頃七十六畝六分六釐六毫八絲五忽

太寧里原額小地九百八十二頃九十五畝五分五釐節年失額地八頃三十五畝今次丈出實在地一千一十四頃九分七釐一毫四絲三忽

忠順里原額小地八百八十八頃七十四畝六分一釐節年失額地十四頃九十九畝一分今次丈出實在地九百四十六頃三畝九分九釐九毫七絲四忽

商水縣志

卷十二

麗藻志

六

刷邊地畝一十一頃 丈量區弓式

一項陳州地名塔兒灣仁一里趙希顯等共小地三十二頃八十六畝三分六釐二毫

一項陳州魚鱗臺德三里霍余等共小地三十七頃九十四畝七分四釐二毫

一項陳州衛地名連塚集仁二里席廷珍等共小地十一頃四十七畝六分二釐一毫一絲

一項陳州地名柳林大悲寺道一里王繼素等共小地二十九頃八十三畝二分七釐七毫五絲

一項陳州地名周家口河北太寧里朱蘭等共小地五十八頃九十八畝八分四釐

一項西華縣地名龍勝溝道一里段文魁等共小地一十二頃七

十七畝一分九釐九毫五絲

一項西華縣地名趙家集河北仁二里劉子恕等共小地四頃一十二畝七分六釐六毫

一項上蔡縣地名崇律店東呀義一里王時化等共小地二十一頃六十九畝五分九釐三毫

一項上蔡縣地名固牆集德三里許祉等共小地二十四頃四十二畝六分六釐八毫

一項鄆城縣地名宿寨義二里王時古等共小地九頃四十畝七分二釐七毫五絲

一項鄆城縣地名譚莊迤西道一里張第第共小地四十頃一十三畝八釐三毫

丈量事宜一十一款

商水縣志

卷十二

麗藻志

七

一正方位

蓋清丈田畝必先正方位方位正然後區可立區立而丈量之法得以次第舉行本縣即於城中尖處起立區坵率屬親詣所在行祭開繯其初用定南星以正南北之方位然後用繩以取其直用鈔尺杆以約其數每畝一里該三百六十步扯立一區內該地五頃四十畝即於里盡處再立區坵從前再量從前再立自區南徹北各盡本境界限爲止其東西之區皆以中夾直線爲準橫順成行區如棋布畝如櫛比庶區有定數地有定畝矣

一立邊界

照得商水比至西華南至上蔡東至陳州衛西至鄆城之宿寨必大界既正然後立區以別之大界不正則彼此攙越互相隱

射每欲清查不服拘喚欲其丈量之清不可得也單職具申本州差常祀巡檢司巡檢張子杲關行西華差省祭官李奇選老人齊登選容天祐朱加客王學古陳州衛差總旗王尙乾朱大用上蔡則未差員役止樹牌板本縣差省祭官董時申陰陽官王擯鄉民義官李純等細加比對一一眼同各號區頭丈比不爽則四境之大邊界正而境內之田有所憑以清查矣

### 一立區頭

夫區頭之大約以南北爲經東西爲緯東西橫排從東自天字地字元字黃字號起盡其西界至河淡字號而止南北順數從北至天字一號二號三號起盡其南界而止其地字元字黃字等號倣此每方一里立一區頭起封樹牌上書每字號第幾區區頭每人編號六十八號每號選公直者一人管一號之區頭

商水縣志

卷十二

麗藻志

八

每號扯立區頭不等共立二千五百零九區殘區一百六十又選省祭官董時中吏傳時禮爲總管本縣時常屏去輿從乘馬攜繹沿坵履畝間一丈量散官許孟林區地少差即重治示懲餘不敢犯矣

### 一清丈田畝

夫田畝不清蓋田豪强者隱占良懦者包賠也本縣責令地多者爲區頭俱令各照原立封植四至挨畝逐段比對文踏每一區務足五頃四十畝之數仍令各照印刷區票從公開寫一紙上書某字號第幾區區頭某人戶頭某人下某人係某里某甲人地若干畝某樣畛順長若干步橫闊若干步共集若干步成地若干畝四至某人若天字號該地不盡就將天字區外餘地開於地字號內若有短少即書差人區內復丈係何侵占問罪



改正各區頭將地戶區票彙齊送與本號鄉民各鄉民彙齊送與各總管總管送縣清查

一丈餘田

陳州地方柳林大悲寺連塚集西華魚鱗臺龍勝溝鄆城宿寨上蔡崇律店等處舊有本縣原額地畝年久侵占太多及塔兒灣尤自國初以來不納差糧分毫卑職差遣李老李登魁高承樂執帖亦照本縣境內批立區頭彼各倚逞州衛軍民不肯從公開報本縣親詣彼處爲之理勸動其良心許其自新不咎既往今皆丈認約有百餘頃至於塔兒灣則有地四十餘頃二百餘年纔丈出本縣既許自親不責既往則豪右不得隱占矣

一今自首

照得本縣原額小地共一萬二千五百十八頃一十一畝二分

商水縣志

卷十二

麗藻志

九

因年久豪右隱占積書飛詭中間世易人亡以致原額失落地三百一十七頃二十四畝七分六釐四毫本縣出示曉諭除已往不咎外許令自首所首田地仍令本主管業改正各名下當差散官胥池並郭權等共首出地十六頃一畝三分間有未首者今既挨段清丈共丈出小弓地一萬二千九百五頃八十九畝九分六釐三毫除復原額外多丈出小地三百六十七頃七十八頃七分六釐三毫遵奉欽依內事理不得加額俱灑於槩縣一十二里內納糧當差則豪右不得隱占而小民均蒙輕減矣

一開訐告

夫田糧失額許自首矣容有不肯自首及舉首不盡者許諸人訐告本縣門前縣設梭布數十疋有訐告者就令訐告之人取

布一疋執布進訐審實就將前布給賞仍將所詰之地給與訐告之人管業有史國賢訐告史紀經隱地十二畝七分袁尙訐告董河地二畝七分給賞布疋管業本地餘不敢隱矣

一立丈具

復正大界以立四境之至立區頭以別條理之宜若不多備繹繩則臨時取用不足不免悞事卑職令十排各具丈杆二十根令行頭出繩十條共六十八號一號給丈杆二十根給繩十條杆頭定環頭頭相接令各號種地人戶不計畝之多寡而皆取足於繹繩今丈量將完即將丈杆給與十排繩索給與行頭不至費用矣

一慎委用

蓋失額起於隱占隱占起於狡猾通同里書挪移作弊非一日之故也若不擇用方正之人而假之里書則額地不得其實支量未及而弊將百出矣本縣輻員六十餘里選擇殷實公直省祭官一人陰陽官一人鄉民六人爲總官又選鄉民時京等處六十八人爲分管又於各號選地畝多者二千五百九人爲區頭區頭清區地分管督區頭總管總領乎分管全不用里書排甲以干預於其中而飛詭之弊無自而生矣

一造區冊

蓋區冊必須開造造冊必用紙張理也用里甲買紙則必斂及戶人用區頭買紙則必科及地戶指一而科十非節省之道也卑職預先着令舖行置買合文紙張每紙百張值錢二百文每紙一張裁成四葉止令地戶出錢二文買紙每葉印刷刊刻空格止令地戶填寫地畝四至數目磨對無差即將天地元黃等

字號內之地歸於本縣仁一等一十二里之中不用買紙造冊夫不必買紙則里甲無科歛之奸不用造冊則書手無詭隱之弊又令各地戶照依區票再買一張以爲執照庶書手不得飛灑日後買賣地土則當官執票過割即照數開總而亦免有推無收之弊矣

### 一議工食

夫清丈田畝自三月初首事至九月初凡應用員役日履田畝日用飲食不能免也本縣爲之理勸各員役曰清丈田畝乃大家事而工食之費可出自里甲乎可歛及地戶乎着令人人自備或彼此相代歸家飲食外有申請本州及關過陳州衛西華刷邊員役卑職爲之設處鄉民中有好義者亦量爲之管待雖印刷區票匠役亦設處以飯食不動里甲地戶分文而事亦就商水縣志

卷十二

麗藻志

十一

續矣

舊志

清

乞疏蠲如皋沙田蘆課文

如皋知縣李振奇 邑人

爲懇念民艱請憲求甦急拯災黎事據該縣沙田業戶薛國傳等連名具稟查得皋邑蘆課沙田原係江中渠土迭變滄桑坍塌靡常非比吳楚地方天生蘆葦自然成利水旱無傷也粵稽舊制每歲額徵粒銀二千六百餘兩及我朝鼎新奉憲丈量加增課銀至七千二百有奇是以皋黎疊罹困苦奉提追比敲骨吸髓今春又遭霪雨二麥斷青夏逢賊踪侵犯民逃地荒輸將無措此各沙民所以泣懇盈庭有請憲求甦之控也值此賊寇充斥三空四盡之秋地方之民命爲重卑職叨爲民牧安敢隱忍不言伏乞疏請入告倘蒙恩蠲一二則窮民受福無疆矣

再請蠲免如皋沙田蘆課積欠文

李振奇

爲沙民之困苦已極沙課之積逋難完卑職勢窮才盡義難尸素俯乞憲裁以甦殘黎以盡職守竊惟卑職到任兩年有餘一切事宜恪遵功令此固憲臺耳目之所及亦遠邇口碑之可問者凡本身任內經管錢糧莫不晝夜查算全完全全解即前任撮借透支亦比完八九但以沙田蘆課一案自九年起至十五年止積累拖欠共計八千餘兩節奉憲行蘆欠不在赦例仰縣嚴追速解而不知不赦者蓋以蘆產江岸旱澇不能爲災故也若如皋之沙田全與上江不同從來不產一根蘆葦皆百姓築圩種田一遇風潮圩破田淹一遇旱魃田乾苗死是水旱兩災而獨不得沾皇恩之浩蕩且卑職親詣江干細查拖欠之由實有一田兩徵者有田已坍江者有人逃田荒者所存沙田不過一半所餘沙戶多係乞兒寡婦

商水縣志

卷十二

麗藻志

十二

與遠親族人且又舊欠之戶即是新欠之人每逢比期哀聲震天卽百方勸諭血盡舌乾而鳩形鵠面者既不忍其聞見二三貧矜又無所用其刑法際此賤年錢糧且難遽完又安能責其從前之拖欠而一一帶比之也夫地方疾苦不能上聞地方何用此牧民之官朝廷之陳欠不能徵解朝廷亦何周此頑鈍之吏此卑職之撫心嘔血袖手不安卽再欲苟延時日尸位素餐而於臣子之義有所不敢者不得不言死直陳伏乞憲裁或以民隱爲重轉達天聽援例蠲豁或以國賦爲重移文蘆部詣縣親比或以卑職催科無術思賜題革另銓才能庶卑職之官守盡而國家之額賦以清矣

如皋賑荒詳文

李振奇

爲亟行設法賑濟全活饑黎事據本縣通學生員石生潤等廂里

余曰舒等鄉約馬珽等連名稟前事據此查看得本縣上歲三春  
霽雨兩月二麥淹沒顆粒無收兼以秋禾不登災青迭至十室九  
空家涕戶號迄今婦子匍匐於道路老稚展轉於溝壑卑職目擊  
心愴真有耳不忍聞目不忍見者卑職司民牧養安敢坐視其死  
而不救乎除設立粥廠于南北兩門外仍令所屬各場鎮莊堡地  
方共設粥廠二十四處勸諭紳衿士庶商賈居民人等量力捐助  
內有不足俱卑縣自行捐俸接濟於正月初四日起賑至四月初  
十日止賑活饑民三十四萬四千八百十名口並不曾動支公帑  
分毫今將賑過饑民花名並用過米石及捐賑紳衿士庶等姓名  
備造清冊擬合申送須至申者

以上奉  
治政畧

嚴禁創築任橋大路示

道光二十三年

知縣

張馨  
永福人

商水縣志

卷十二

麗藻志

十三

之暘雨休咎無常唯知理知命者順天時安地利不作孽以任自  
然何至上下爭氣釀成巨禍結成冤仇其實於事毫無所益徒罹  
罪名古人所以戒鄰壑曲防其大彰明較著者也本縣莅任八載  
愧無德政可言而爭訟攸關總按情察理不執偏私本年入夏以  
來天作淫雨加以鄰境河隄潰決波及本地淹沒秋禾心殊焦灼  
乃雷坡等莊被水怨上坡史莊等處創路而史莊等處復怨下坡  
堵堰訐訟不休是上坡犯鄰壑之條下坡較曲防爲尤甚本應重  
究幸天時晴霽積水涸涸兩造俱已輸服無詞姑從寬恕合行出  
示曉諭爲此示仰上下坡紳民人等知悉以後各安本業聽天由  
命如遇積水居上坡者不得創任橋東西大路放水下流居下坡  
者不得率衆於任橋東西大路堵築倘敢恃強怙惡執迷不悟故  
犯例禁定而按名究辦決不再寬茲恐懸貼告示易爲風雨所壞

立碑刻石以垂久遠凡有良心恪宜遵守庶幾上下相安永保世業此諭

嚴禁扒隄示 同治九年

知縣 曹文昭 廣順人

嚴禁立碑永垂久遠事照得縣邑西交華邑舊有五里河隄與枯河本係一體原引上坡並七十二坡之水達入枯河每年夫係枯河二號河長小甲兩季歲修至同治七年李景豐李中等率眾扒河隄致釀命案業經張貫一舉人葉繼祖等據實具控二年未結當蒙本縣會同委員程斷定上坡賠修南半截與枯河相連地窪隄高不拘尺寸照舊修築勿須減削至北半截隄寬一丈身高四尺五寸南北兩截共長五里凡是所扒之處一律修築兩造情願俱皆輸服自此以後仍令河長小甲每年催修永不許扒毀如有敢再扒隄者除賠修外定行究辦兩造各遵守歸家安業並立碑商水縣志 卷十二 麗澤志 十四

為記以垂永遠上下坡務須共為遵守不得再行滋事母違特諭以上見碑刻

代周口鎮議事會上寶中丞稟

拔貢 李介祐 邑人

為提抽警費窒礙難行據實代稟憲台通融辦理以安地面而洽輿情事竊周口咸同時代迭遭兵燹沙河南北創設兩局修寨修隄兼養民團一切經費出自商捐延請紳辦枵腹從公任怨任勞不支薪水歷有年所早經稟明在案光緒三十二年總辦周口釐稅事宜候補直隸州陸會同陳州府憲潤與局紳公商議及改良易民團為巡警商捐紳辦始由官督而抽收寨釐歸紳發餉仍照舊章莫不稱便本年九月候補府憲汪奉委到局整頓巡警誼美法良同深感戴擬將兩局應收寨釐全數提抽歸警費以清權限並令查傳兩局官傳諭各商先繳開辦銀三千兩然後每局按

月繳警費錢各六百千商人聞之惶恐萬狀伏思巡警經費係由寨釐項下開支而寨釐一項爲修寨修隄不可移易之款目今京漢路成該鎮商氓漸遷鄙潔連年生意冷落異常應收寨釐日形短絀又兼寨垣河隄秋季山水暴發沿河一帶倒塌殆盡迭次搶險萬家生靈幾患其魚刻正提議補修而入不敵出無從措手就商寨一局論籌辦事務已實虧錢五千餘緡均經該局紳設法借墊若將此款劃歸警費微特前欠之債無日歸償卽此數不敷用裁撤巡兵固屬不可委棄寨隄更所不能此難於行者一周口警兵向無定額遇生意發達時顧覓多人以固冬防過此以往按月遞減該警兵舉係土著餉資每日百二十文而亦充膺蓋因箇人原有應盡義務與招募他方者迥異卽如隊官每月薪金制錢十千僅可餬口若恪守警章厚給餉資無源之水其涸立待此難於商水縣志

行者二周口地方尙非開通埠頭該鎮生理又非絕大資本從前代收警費尅扣瞞昧等弊諒無膽敢倘日後官接辦理少有遺悞廉明官府固自原宥而不肖丁役借端茲擾在所難免如本鎮各糧行代收斗捐竟有筆下偶錯賬目一經調查明罰暗索始而十倍繼而百倍終而至於千倍者種種苦楚商人受之前車之鑒結爲疑團紳等與兩巡官再四演說以爲官辦紳辦原屬一律該商人如鳥見弓驚不嚮邇此難於行者三且寨釐一款係指定修寨修隄公費按照自治第十條章程凡有地方指定公益經費不准挪移部章煌煌碍難故違紳等居處於斯實在情形目所親覩前者舊商水縣知縣孫道多祺因公蒞周清理地痞頗稱得力曾稟明上憲暫留數月借資坐鎮方今太尊汪憲奉委前來紳等各具天良安敢自外生成不擔提抽警費之任但提抽寨釐劃歸巡警

商款繳官諸多窒碍輿情實屬不洽紳等濫竽議員據實代稟憲  
台通融辦理將巡警經費仍援舊案由兩岸寨工局寨釐項下歸  
該局紳照數給餉免經官手以垂久遠而安地面實爲公便謹稟

上蒲縣尊稟

增生 李世恭 邑人

爲稟請開倉平糶以恤窮黎而安地方事竊查現在糧價斗穀干  
錢斗麥二千誠爲二百年來所未有兼以陰雨連月道路阻塞以  
致糧價奇昂來源盡竭在鄉農固十室而九空即糧行亦絕無而  
僅有雖各處社倉紛紛放糶補救奈杯水車薪難以徧及且麥秋  
須俟五月爲時甚久又將何以善後紳等再四籌商若不設法拯  
濟深恐待哺飢民別生他慮若俟另爲勸募恐地瘠民貧空事掘  
羅伏思常平倉存穀若干石積儲本備緩急之需年久且有朽爛  
之虞似不如乘此平糶將穀價存庫俟新穀登場糶入還倉是推  
商水縣志

卷十二

麗藻志

六

陳出新卽寓於救荒之中實一舉而兩得焉至求實惠及民詳細  
籌辦諒滿目窮黎久繫塵念自有至當不易之法非紳等所敢妄  
參未議矣伏乞鑒核示知謹稟

車馬巡警附捐記

商水警捐及車馬雜差各項攤派科歛久爲民間鉅害每年詞訟  
約佔十分之四去冬邑侯蒲公敦儒莅任實心愛民同人因公進  
謁懇求改良立即慨允因於今春以隨糧附捐每糧銀一兩附收  
錢三百文並開支各項清單一同稟公請予俯准試辦並轉詳立  
案卽通詳列憲俱蒙嘉允噫車馬一項經前撫部院林奏明隨糧  
附收且飭委催辦商水竟未獲奉行公至竟同巡警各項朝稟夕  
行剔盡向來攤派科歛銅弊商水生生世世食公之德無盡矣議  
將列憲批示及粘呈開支清單隨同勒石以誌百世不忘撫臺批



稟悉該縣隨糧附收各款既試辦數月民間稱便應准立案惟仍須隨時查察以防流弊爲要仰布政司轉飭知照此繳藩臺批稟悉巡警車馬議將地丁附捐以其餘款撥作自治經費按諸地方附加稅章程當無不合且係化私爲公經紳民陳請已經試辦三月除弊順情自應照准惟此爲巡警車馬專款當爲地方經費其撥歸自治者應爲地方稅補助自治所有每年收錢五千一百七十四串八百二十四文該縣即折合銀數另稟追加預算以便稽核至地丁雜稅等項據稱有逃亡絕戶應由該縣查地征糧並整頓雜稅以期足額斷難任令短征短解所請以此項收款提出一千一百串有奇作爲彌補殊非正當開支未能照准除移知財政局外仰即遵照仍候撫憲暨財政局批示繳河南清理財政局批據稟已悉該縣請於隨糧附收之車馬費內提出錢一千一百串

商水縣志

卷十二

麗藻志

十七

彌補地丁雜稅逃亡絕戶墊款一項前准藩司咨開業經批駁在案餘均如稟辦理並候撫憲暨司道各衙門自治籌辦處批示繳巡警道批據稟已悉仰候院司各衙門批示繳自治籌辦處批據稟擬將巡警車馬各費改爲隨糧附收俯順輿情剔除中飽以謀地方公益辦法極爲正當應准如稟立案惟事關財政頃據分稟仍候撫憲及各衙門財政局批示繳巡警開支每月薪水口糧雜支錢二百零六串七百文另由商捐項下月收錢三十三千實開支錢一百七十三千七百文扣留本局管賑工食錢三千車馬開支每月錢九十千提解款四十五串餘四十五串支應車馬虧則由本局籌補餘則留存本局備補虧短

兵房每月支錢五串四在內

運庫銅赴

口車價另由該房底子錢每串錢四文提歸本局支付餘款撥附開支大號

草錢二十四千文  
楚料錢六千文

共合錢三十千文監獄改良錢二十

串文實業學堂錢三十串文試驗場錢二十串文津貼差役錢四十串文車馬局錢二十三串文堂監更錢四串八百文雜費臨時酌定工房錢四串六百文以上探訪稿